

Ma u baahan tahay warqad codbixin beddelaad ah?

Haddii warqaddaada codbixinta ay dhunto ama xumaato, waxaad daabacan kartaa mid beddelaad ah adigoo isticmaalaaya Barnaamijka Calaamadaynta Warqadda Codbixinta ee Oonleenka (Online Ballot Marking Program, OBMP). Iisticmaalka OBMP, waxaad ku heli kartaa oo aad daabacan kartaa warqad codbixin beddelaad ah adigoo jooga guriga, maktabadda, ama meel walba oo ku habboon.



OBMP waxaa loogu talagalay inuu u oggolaado codbixiyeyaasha naafada ah, oo ay ku jiraan kuwa indhooleyaasha ah ama uu araggoodu hooseeyo, inay warqaddooda codbixinta si qarsoodi ah u calaamadaystaan. Waxaa heli kara dhammaan codbixiyeyaasha diiwaan gashan.

Sida loo isticmaalo Barnaamijka Calaamadaynta Warqadda Codbixinta ee Oonleenka

- Tag halka kingcounty.gov/elections/obmp.
- Macluumaaadkaaga geli foomka.
- Ku calaamadee dookhyadaada warqadda codbixinta oonleenka oo ka dibna daabac warqaddaada codbixinta ee aad buuxisay.
- AMA
- Daabac warqaddaada codbixinta oo ka dibna gacanta ku calaamadee.
- Hubi in warqaddaada codbixinta si sax ah aad u calaamadaysay.
- Ku soo celi warqaddaada codbixinta sida caadiga ah, halka sanduuqa lagu rido warqadda codbixinta ama adoo soo marsiinaaya boostada.
- Lacagta boostada looma baahna haddii aad isticmaasho xaashida lifaaqa bakhshadda ee la socota marka aad daabacayo warqaddaada codbixinta.



Nala soo xiriir si aad u hesho buug-yarahaan oo qaab kale ah.

Contact us to receive your voting materials in Chinese, Korean, Russian, Somali, Spanish or Vietnamese.

如需獲取您的中文投票資訊，請與我們聯絡。

한국어로 투표 자료를 받으시려면 저희에게 연락하세요.

Свяжитесь с нами, чтобы получать материалы для голосования на русском.

Nala soo xiriir si aad u hesho agabkaaga codeynta oo ku qoran Af-Soomaali.

Comuníquese con nosotros para recibir sus materiales de votación en español.

Xin vui lòng liên lạc với Sở Bầu cử Quận King để nhận tài liệu bầu cử bằng tiếng Việt.



Haddii aad u baahan tahay caawinaad dheeraad ah ama hab kale oo aad u dhiibato warqaddaada codbixinta, fadlan kala xiriir xafiiskeena halka 206-296-VOTE (8683).



Yaa deeq ku bixiya ololeyasha?

Eeg ku-deeqyeasha musharaxiinta iyo cabbirrada sharciga ee gobolka iyo deegaanka:

Guddiga Kashifaadda Dadweynaha

www.pdc.wa.gov | Wicitaanka Lacag La'aanta 1-877-601-2828

Doorashada Gaarka ah ee Abriil 22, 2025

Degmada King Buug-yaraha Codbixiyeyaasha Deegaanka ee Rasmiga ah

sida ay codsatay Degmada King

Saxiixo si aad u hesho digniimaha warqadda codbixinta!

Hel qoraallo taleefan ama iimeelyo ah marka warqaddaada codbixinta la sii habeynaayo oo la tiriyo. Iska qor halka kce.wiki/TrackMyBallot.



Is diiwaan geli si aad u codeyso



Oonleenka: Booqo VoteWA.gov si aad oonleenka iskaga diiwaan geliso oo aad u codeyso. Wakhtiga kama dambeysta ah ee is diiwaan gelinta oonleenka ee ku aaddan Doorashada Gaarka ah ee Abriil waa Abriil 14.



Boostada: Ka soo degso oo daabaco foomka diiwaan gelinta halka kce.wiki/VoterReg oo boostada ugu dir Doorashooyinka Degmada King: 919 SW Grady Way, Renton, WA 98057. Waa in la helaa ugu dambeyn Abriil 14.



Shakhsii ahaan: Waxaad shakhsii ahaan iskaga diiwaan gelin kartaa halka xarunta guud ee Doorashooyinka Degmada King ilaa iyo Abriil 22, Maalinta Doorashada. Wixii maclumaaad dheeraad ah oo ku saabsan saacadaha iyo adeegyada waxaad ka heli kartaa halka kingcounty.gov/elections.




Doorashadaan, waxaad haysataa fursado!

Doorashadaan oo keliya, waxaad aqoonsigaaga ka xaqiijin kartaa oonleenka!

Ma doorbidaysaa inaad saxiixdo? Taasina waa suurtagal. Waxaad u baahan tahay oo keliya inaad samayso midkood.


Booqo kce.wiki/verify oo raac tilmaamaha oonleenka.

Ma u baahan tahay caawinaad? Nagala soo xiriir 206-296-VOTE (8683) ama elections@kingcounty.gov.



kce.wiki/verify

Barro wax dheeraad ah oo ku saabsan sanduuqyada lagu rido, xarumaha codbixinta, iyo in ka badan!



Waxaan halkaan u joognaa in aan caawino!

Shaaqalaha doorashooyinka ayaa kaa caawini kara inaad is diiwaan geliso oo aad hesho warqad codbixin cusub ilaa iyo Maalinta Doorashada. Ma u baahan tahay warqad codbixin beddelaad ah oo ma rabtaa inaad si gaar ah u calaamadayso warqaddaada codbixinta? Ka hel warqaddaada codbixinta oonleenka barta kingcounty.gov/elections/obmp si aad uga faa'iidaysato Barnaamijka Calaamadaynta Warqadda Codbixinta ee Oonleenka.

Warqaddaada codbixinta waxaa ku duuban maclumaaad muhiim ah oo ku saabsan sida loo celiyo warqaddaada codbixinta, helitaanka caawinaadda, iyo wax dheeraad ah. Iska xaqiiji inaad lifaaqa warqaddaada codbixinta ka eegto:

- Shanta sanduuq ee lagu rido warqadda codbixinta ee kuugu dhow
- Halkee laga heli karaa caawinaad shakhsii ahaanneed
- Sida loo daabaco warqaddaada codbixinta haddii taada lunto ama burburto.

206-296-VOTE (8683)
elections@kingcounty.gov
kingcounty.gov/elections

Baraheena Bulshada
@kcelections


 King County
Elections

codeyn!

Soo Jeedinta Lr. 1

Canshuurta Nidaam Goboleedka Aqoonsiga Sawirka Faraha ee Otomaatigga ah (AFIS)

Golaha Degmada King aayaanshiyay Xeerka Lr. 19884 ee khuseeya soo jeedintaan la xiriirta canshuurta nidaam goboleedka aqoonsiga sawirka faraha ee otomaatigga ah (AFIS). Soo jeedintaan waxay maalgelin doontaa sii wadidda hawlgalka barnaamijka AFIS si loo bixiyod teknolojiyad iyo adeegyo casri ah oo lagu baaro sawirka faraha iyo calaacasha si ay gacan uga geystaan maamulidda caddaaladda. Waxay oggolaanaysaa canshuur hanti dheeraad ah oo muddo toddoba sanno ah laga bilaabo 2026 oo ah \$0.0275 ka mid ah \$1,000 ee qiimeynla qiiameeyay, iyadoo la adeegsanayo caddadka canshuurta ee 2026 si loo xisaabiyo xaddidaadyada ku xusan Cutubka 84.55 RCW ee ku aaddan canshuuraha ku xiga ee sannadaha 2027-2032, lagana dhaafayo waayeellada, halyeyadii hore, iyo dadka naafada ah ee u qalma sida ku xusan RCW 84.36.381. Ma tahay in soo jeedintaan la:

Anshiy

Diido

Qoraalka cabbirkan oo dhammaystiran ayaa laga heli karaa laga bilaabo bogga 3-aad.



Waxaad u codeynaysaa inaad
Ansixiso ama Diido
Soo Jeedinta Lr. 1

Shuruudaha ansixinta: Aqlabiyad fudud (RCW 84.55.050)

Bayaanka sharaxaadda

Soo jeedintaan waxay Degmada King dib ugu oggolaan doonta in ay soo rogti canshuurta hantida caadiga ah oo dheeraad ah si loo taageero sii wadidda hawlgalka iyo kor-u-qaadidda barnaamijka nidaam goboleedka aqoonsiga sawirka faraha ee otomaatigga ah (AFIS) waxayna beddeli doontaa canshuurtii ay ansixiyen codbixiyeyashaa ee wakhtigeedu dhammaaday 31-ka Diseembar, 2024. Barnaamijka AFIS waxaa loogu talagalay in lagu horumariyo awoodda hey'adaha sharci fulinta ee Degmada King gudaheeda si ay gacan uga geystaan maamulidda caddaaladda. Waxyaabaha kale waxaa ka mid ah, barnaamijka AFIS waxaa uu bixiyaa adeegyo iyo teknolojiyad casri ah oo lagu baaro aqoonsiga sawirka faraha iyo calaacasha.

Canshuurta la soo jeediyay waxaa loo ansixin doonaa muddo toddoba sanno ah, iyada oo ururinta ay bilaaban doonto 2026. Inta lagu jiro sannadka koowaad, canshuurta waxaa lagu soo rogi doonaa heer dhan 2.75 senti (\$0.0275) ama ka yar ee ka mid ah kunkii doolar (\$1,000) ee qiimeynla qiiameeyay ee dhammaan hantida la canshuuri karo ee gudaha Degmada King. Tusaale ahaan, guri lagu qiiameeyay \$885,000 sannadka 2026, waxa uu bixin doonaa caddadka canshuurta oo ah ugu badnaan \$24.34 sannadka koowaad. Kordhinta sannadlaha ah ee liixa sanno ee ku xiga ayaa lagu xaddidi doonaa heerka sharciga ah ee lagu qeexay cutubka 84.55 RCW. Waayeellada, halyeyadii hore, iyo kuwa naafada ah ee u qalma ayaa xaq u yeelan doona in laga dhaafio canshuurtaan sida ku xusan RCW 84.36.381.

Soo Jeedinta Lr. 1 waxay sii wadi doontaa jiritaanka Guddiga La-talinta AFIS-ka.

Wixii su'aalo ah ee aad ka qabto cabbirkan, la xiriir:

Mike Leahy
Maamule Goboleedka AFIS
(206) 263-2750
michael.leahy@kingcounty.gov

Bayaanka lagu taageerayo

Patti Cole-Tindall, Pete von Reichbauer, Jon Schultdt yesforAFIS2025@gmail.com

Ku dhawwaad muddo 40 sanno, Nidaam Goboleedka Aqoonsiga Sawirka Faraha ee Otomaatigga ah (AFIS) ee Degmada King wuxuu ahaa qalab baaris oo lagama maarmaan u ah dagaalka looga soo horjeedo dambiyada. AFIS wuxuu door muhiim ah ka ciyaaray xallinta kiisaska kala duwan laga bilaabo dambiyada rabshadaha wata ilaa iyo jabsashada, oo codkaaga haa ahna wuxuu sii wadi doonaa awoodda in dhibaneyashaa iyo qoysaskooda la siiyo gabagabayn.

Iyadoo la adeegsanayo teknolojiyad casri oo isbarbardhig ah, AFIS wuxuu hubiyaa in la helo aqoonsiga saxda ah si dhaqso leh ee dadka lasoo xiray, cadsadeyaasha, iyo tuhmaneyaal dambiyeedka. Maadaama uu yahay barnaamij lagu maalgeliyo heer goboleed, dhammaan hey'adaha sharci fulinta ee Degmada King waxay si wadajir ah u wadaagaan helitaanka adeegyadaan baarista oo qimo jabah ah marka loo eego haddii ay iyaga si gaar ah u maalgelin lahaayeen.

Barnaamijka AFIS wuxuu muujiyay maamul maaliyadeed oo mas'uul ah, wuxuuna iyada oo loo maraayo maamulid dhaqaale oo taxaddar leh, awooday in canshuurtii liixa sanno ahayd uu sii dheereeyo hal sanno oo dheeraad ah. Guushaan waxay caddeynaysaa in barnaamiju si hufan u adeegsado kheyraadka oo laguna aaminni karo qaybinta doolarkeena canshuurta.

Ku codeynata haa si dib loogu cusboonaysiyo canshuurta AFIS waa maalgelin lagu samaynayo bulsho ammaan ah. Waxay taageertaa qalab la caddeeyay inuu xoojiyo baaritaanka dambiyada, hubiyo dedejinta xallinta kiisaska, isla markaana kor u qaado dareenkna nabadgeleyada ee dhammaan deganeyaasha. Aan sii wadno ka faa'iidayiga barnaamijkan lama horaanka ah oo aan taageerno caddaaladda gudaha Degmada King. Fadlan, ku codee haa ee Soo Jeedinta 1-aad.

Bayaanka looga soo horjeedo

Wax bayaan ah lama soo gudbin.

Bayaanka lagu taageerayo ama ka soo horjeeda cabbirka ama hindisaha warqadda codbixinta waxaa soo gudbiya guddiyo ay magacaabeen maamulka xukunka. Ma jirin cid u soo baxday inay ka mid noqdaan guddiga iyo inay qoraan bayaan mucaaradnimo. Haddii aad jeelaan lahayd inaad mustaqbalka la shaqeysuo guddi fadlan la xiriir maamulka xukunka.

Degmada King

Qoraalka buuxa ee Xeerka 19884

XEER bixinaaya u soo gudbinta codbixiyeyaasha u qalma ee Degmada King ee halka doorashada gaarka ah ee lagu qabanaayo Degmada King Abriil 22, 2025, oo ah soo jeedin ku aaddan dib u oggolaanshaha canshuuritaanka canshuurta hantida ee wakhtigeedu dhammaanayso ee ka badan xaddidaada canshuurta ee ku jira cutubka 84.55 RCW, toddoba sanno oo isku xiga laga bilaabo 2026 (2027–2032), ujeeddaduna tahay in lagu maalgeliyo sii wadidda hawlgalka nidaam goboleedka aqoonsiga sawirkha faraha ee otomaatigga ah (regional automated fingerprint identification system), sidoo kale loo yaqaano AFIS, kaas oo ilaalinaya goobta dambiyada oo la balaariyay iyo qabashada teknolojiyada aqoonsiga iyo adeegyada dhammaan wakaaladaha caddaaladda dambiyada deegaanka ee Degmada King.

BAYAANKA XAQIIQOYINKA:

1. Si loo balaariyo loona wanaajiyoo adeegyada aqoonsiga xaddidan ee ay bixiyaan hey'adaha fulinta sharciga ee magaalo gaar ah iyo degmada ama heer goboleed, sannadkii 1986 codbixiyeyaasha Degmada King waxay ansixiyeen maalgelinta iibsashada nidaam goboleedka aqoonsiga sawirkha faraha ee otomaatigga ah oo la wadaago ("AFIS"), kaas oo isbarbardhigga faraha aan la garanayn iyo faraha la yaqaan. Xogta AFIS ee Degmada King waxa ay keydisaa in ka badan laba milyan oo diiwaanka faraha, in ka badan hal milyan oo diiwaanka calaacasha, iyo ku dhawwaad saddex iyo lixdan kun oo goob dambi oo laga soo daabacay ee kiisaska aan la xallin. AFIS-ka Degmada King waa nidaam goboleed oo leh adeegyo barnaamij oo ay heli karaan magaalo kasta iyo aagagga aan la midowga ahayn ee Degmada King.

2. Kombuyutarka AFIS waxa loo isticmaalaa laba ujeeddo oo waaweyn:

a. In si degdeg ah loo aqoonsado shakhsiyadka la xiray, loogana hortago in si qaldan loo sii daayo kuwa isticmaala magacyo been abuur ah si ay uga dhuuntaan dammaanadda amarka xiritaanka ama ay u qariyaan diiwaanka dambiyada; iyo

b. In la baaro sawirkha faraha iyo calaacasha ee laga soo ururiyay goobaha dambiyada si loo ogaado tuhmaneyaasha aan la garanayn iyo in laga caawiyo xukunnada.

3. Degmadu waxay markii ugu horeysay soo iibsatay kombuyutarka AFIS-ka ee la wadaago ka dib markii codbixiyeyaasha degmada King ay ansixiyeen canshuurta hantida ee ujeeddadaas ku saabsan oo ahayd bishii Nofeembar 1986kii. Cabbirka warqadda

Doorashooyinka Degmada King ma saxaan astaamaynta, naxwaha, ama hubinta-xaqiqa ee musharaxa iyo bayaannada cabbirka.

Degmada King

Qoraalka buuxa ee Xeerka 19884

codbixinta waxaa oggolaaday Xeerka 7747. Laga soo bilaabo 1986, codbixiyeyaasha Degmada King waxay sii wadeen inay ansixiyaan adeeggaa dib u cusboonaysiinta canshuurta hantida ee u dhexeyso \$0.0200 ilaa \$0.0665 kunkii doolar ee qiimeynaa la qiimeeyay sidii loogu baahan yahay si loo taageero, loo kordhiyo, loona casriyeeyo adeegyada AFIS-ka. Taariikhda canshuurta ee barnaamijka AFIS-ka waa:

- a. Canshuur cusboonaysiintaa shan sanno ah ayaa la ansixiyay Nofeembar 1990. Cabbirka warqadda codbixinta waxaa oggolaaday Xeerka 9603;
- b. Canshuurta cusboonaysiinta ee shanta sanno ah ayaa la ansixiyay Nofeembar 1995. Cabbirka warqadda codbixinta waxaa oggolaaday Xeerka 11948;
- c. Canshuurta cusboonaysiinta ee shanta sanno ah ayaa la ansixiyay Sebtembar 2000. Cabbirka warqadda codbixinta waxaa oggolaaday Xeerka 13894. Maalgelinta hawlgallada barnaamijka AFIS ee joogtada ah ilaa 2006 iyada oo aan la bixin canshuuritaanka canshuurta hantida ee isku xigta;
- d. Canshuur dib-u-oggolaanshaha lix sanno ah ayaa la ansixiyay Sebtembar 2006. Cabbirka warqadda codbixinta waxaa oggolaaday Xeerka 15537. Kharashaadka barnaamijka miisaaniyadda hoose waxa ay u oggolaatay degmadu in ay hoos u dhigto qiimaha canshuuraha ee 2011 iyo 2012;
- e. Canshuur cusboonaysiinta lix sanno ah ayaa la ansixiyay Nofeembar 2012. Cabbirka warqadda codbixinta waxaa oggolaaday Xeerka 17381; iyo
- f. Canshuur cusboonaysiinta lix sanno ah ayaa la ansixiyay Agoosto 2018. Cabbirka warqadda codbixinta waxaa oggolaaday Xeerka 18674. Iyada oo loo maraayo kharashka muxafidka ah, degmadu waxay ururisay haraaga sanduuqa, kaas oo sii wadi doona hawlahaa barnaamijka AFIS ilaa 2025 iyada oo aan la bixin canshuuritaanka canshuurta hantida.

4. Kombuyutarka AFIS-ka ayaa markii ugu horeysay la rakibay 1988-kii. Nidaamkiisii u horeeyay ayaa la cusboonaysiyyay 1999, ka dibna lagu beddelay nidaam cusub 2011. Nidaamka cusbaa ayaa markii ugu horeysay ka hirgeliyay Degmada King raadinta sawirkha calaacasha. Nidaamka ayaa waxaa la cusboonaysiyyay 2018 oo loo sameeyay hab ku salaysan daruuraha keydinta (cloud-based) kaas oo si joogto ah loo cusboonaysiyo si loo hubiyo in degmadu isticmaalayso teknolojiyada isbarbardhigga faraha ee ugu dambeeyay.

5. Canshuurta AFIS-ka ee 2018, oo lagu hirgeliyay qiimo dhan \$0.03501 kunkii doolar ee qiimeynaa la

qiimeeyay, ayaa waxay wakhtigeedu dhammaatay Diseembar 31, 2024. Iyada oo loo maraayo maamul maaliyadeed oo taxaddar leh, haraaga ayaa ku ururay sanduuqa AFIS-ka lixdii sanno ee la soo dhaafay. Haraaga waxa loo isticmaali doonaa in lagu joogteeyo qoondeynaa sannadka 2025 iyo sii wadidda hawlahaa barnaamijka AFIS-ka iyada oo aan la bixin canshuurta hantida ee isku xigta. Xeerkan waxa uu soo jeedinayaan canshuurta AFIS ee la cusboonaysiyyay oo qiimaheeda dhan yahay \$0.0275 kunkii dollar ee qiimeynaa la qiimeeyay ee la ururiyay laga bilaabo 2026. Dakhli la'aanteed, haraaga sanduuqa waa la dhimmi doonaa ka dib 2025 maalgelinta barnaamijkana way dhammaan doontaa.

6. Goobaha magaaloooyinka waaweyn iyo magaalo weyn ee dalka oo dhan waxa ay xaqiqa-sadeen faa'iido ay leedahay inay helaan teknolojiyada AFIS-ka iyaga u gaar ah iyo shaqaale taageera, laakiin inta badan ma awodaan wakaaladaha booliiska deegaanka ee madaxa banaan. Degmada King waa degmada keliya ee ku taal gobolka Washington oo leh kombuyutarka AFIS-ka u gaar ah, waana degmada keliya ee gobolka Washington ee leh qaab la wadaago, oo gobol ah oo bixiya adeegyada dhammaan wakaaladaha fulinta sharciga deegaanka. Marka adeegyada, teknolojiyada, iyo macluumaadka laysku saleeyo, habka goboleedka waxa uu taageeraa xallinta dambiyada oo ah kharash hoose oo guud, iyada oo loo maraayo dhaqaale baaxad leh. Faa'iidooyinka kale ee hab goboleedka waxaa ka mid ah xog weyn oo tayo sare leh oo ka dhalata aqoonsiyo badan, iyo xog wadaag badan oo dhex mara wakaaladaha.
7. Sannadkii 2023, barnaamijka AFIS waxa uu baaray ku dhawwaad koow iyo konton kun oo si elektaroonig ah loo gudbiyay diiwaannada faraha waxaana uu aqoonsaday in ka badan laba boqol oo qof oo magacyo been ah bixiyay markii la xiray. Barnaamiju waxa uu ka jawaabay in ka badan saddex kun oo codsiyo ah oo ku saabsan kaalmada goobta dambiga, waxa uu farsameeyay in ka badan shan iyo tobani kun oo caddeymo ah waxaana uu aqoonsaday in ka badan shan kun oo daabacaad goob dambi ah. Kombuyutarka AFIS-ka waxa kale oo loo adeegsaday in lagu baaro ku dhawwaad lix kun oo diiwaanka faraha ah ee ay soo gudbiyay saraakiisha goobta ku sugaray iyo isticmaalaya aaladaha aqoonsiga mobilka.
8. Wakaaladaha caddaaladda dambiyada ee degmada King waxay u arkaan in barnaamijka AFIS uu yahay mid lama huraan u ah fulinta sharciga,

Doorashooyinka Degmada King ma saxaan astaamaynta, naxwaha, ama hubinta-xaqiqa ee musharaxa iyo bayaannada cabbirka.

waxaana barnaamijka AFIS loo aqoonsaday heerarkiisa iyo adeeggiisa gaarka ah. Qaabka goboleed ee barnaamiju waxa uu siiyay taageero wax ku ool ah oo lagu xalliyo dambiyada dhammaan wakaaladaha caddaaladda dambiyada ee Degmada King tan iyo markii la aasaasay 1988kii. Barnaamijka AFIS ee hadda jira wuxuu bixiyaa adeegyo badan oo la wadaago, oo ay ku jiraan:

- a. libka, dayactirka, iyo hawlgalka shaqaalaha ee kombuyutarka AFIS-ka kaas oo keydiya, baaraaya oo bixiya sawirkha suurto galika ah ee faraha iyo calaacasha;
- b. libka, dayactirka, tababarka iyo taageerada shan iyo konton iskaan toos ah, kuwaas oo ah aaladaha faraha laga qaado ee lagu rakibay guud ahaan Degmada King ujeeddaduna tahay ururinta daabacaad tayo sare leh oo laga helo dadka la xiray iyo codsadeyaasha iyo gudbinta si elektaroonig ah si loo helo isbarbardhig degdeg ah oo hufan;
- c. libka, dayactirka, tababarka iyo taageerada saddex-boqol ee qalabka aqoonsiga mobilka, kaas oo u sahlaya saraakiisha in ay si degdeg ah u baaraan faraha ayagoo goobta jooga, iyaga oo ka caawinaaya saraakiisha si ay u go'aamiyaan in la xiro ama la sii daayo qofka aan la garanayn;
- d. Duubaanka faraha tayada sare leh ee xarumaha xabsiga degmada, iyo baareyaasha faraha oo la heli karo afar iyo labaatan saacadood maalintii iyo toddobaad maal mood ee asbuuca, si loo aqoonsado shakhsiyadka la xiray;
- e. Baareyaasha iyo farsamayaqaannada ka soo ururiya daabacaadaha goobaha dambiyada, u habeeya waxyaalaha caddeynaa si kiimiko ah, u xafidda daabacadahaas sawir ahaan, oo ka baara AFIS si ay u ogaadaan tuhmaneyaasha aan la garanayn ama keydiya daabacadaha aan la aqoonsan ee raadinta joogtada ah marka diiwaannada cusub lagu daro nidaamka; iyo
- f. Tababar ku saabsan ururinta faraha iyo habeynta goobta dambiyada, iyo taageerada macaamiisha ee dhammaan hey'adaha fulinta sharciga.
9. Lixdii sanno ee la soo dhaafay, barnaamijka AFIS waxa uu sii waday hawl-qabad waxtar leh, waxa uu gaaray hawl-karnimo si loo dhimmo shaqaalaha, waxa la casriyeeyay kombuyutarka AFIS, waxa beddelay aaladaha MobileID-ga (Aqoonsiga mobilka) ee nolosha dhammaatay, waxa uu beddelay shaybaarka habeynta oo duugoobay iyo xafiisyadii AFIS-ka.

Degmada King

Qoraalka buuxa ee Xeerka 19884

10. Barnaamijka AFIS waxa uu sameeyay dul mar miisaaniyadeed toddoba sanno ah oo leh oo la xiriira saadaalinta dakhliga ee 2026-2032. Canshuurta la soo jeediyay ayaa ku ilaalin doonta adeegyada hadda jira heerka canshuurta sannadka koowaad kaas oo ka hooseeya heerka canshuurta sannadka koowaad ee ay ansixiyeen codbixiyeyaashu 2018.

11. Barnaamijka AFIS waxa uu soo saaraa warbixinno sannadle ah oo si guud loo heli karo kuwaasoo bixiya warar cusub oo ku saabsan hindiseyaasha barnaamijka iyo guulaha la gaaray. Guusha barnaamijka AFIS-da ee goboleed waxa ay ka dhalatay wada shaqeyn joogta ah oo lala yeesho hey'adaha sharci fulinta ee Degmada King.

12. Canshuurta la soo jeediyay waxaa la oggolaan doonaa toddoba sanno.

HA AHAATO MID AY DHAQAN GELINAYSO GOLAHADEGMADA KING:

QAYBTA 1. Qeexitaannada. Qeexitaannada qaybaan ku jira ayaa khuseeya dhammaan qaraarkan ilaa in mawduuca si gaar ah qaab kale loogu qeexo mooyaane.

A. "AFIS" micnaheedu waa nidaamka aqoonsiga sawirka faraha oo otomaatig ah.

B. "Kombuyutarka AFIS-ka" micnaheedu waa nidaamka aqoonsiga sawirka faraha ee otomaatigga ah, kaas oo ah nidaamka kombuyutarka ee aasaas ahaa isticmaala AFIS, iyada oo la adeegsanayo qaabdhismedka wuxuu ku daraa keydka xogta kale ee diiwaannada aqoonsiga dambiyada, iyo qalabka la xiriira, teknolojyada, shabakadaha iyo goobaha ay u shaqeeyaan shaqaale loo tababaray qabashada, keydinta iyo isbarbardhigga diiwaannada aqoonsiga dambiilaha, falanqeynta teknolojyada guuleysiga.

C. "Barnaamijka AFIS" waxaa loola jeedaa iibsiiga, hirgelinta, dayactirkka iyo hawlgelinta kombuyutarka goboleed ee AFIS. "Barnaamijka AFIS" waxa kale oo loola jeedaa dadaalka goboleed oo dhan ee shaqaale tababaray kuwaas oo, iyada oo loo maraayo faraha, calaacalaha iyo hababka kale ee aqoonsiga: aqoonsada dadka la xiray; in la caddeeyo tuhmaneyaasha dambiyada laga bilaabo faraha iyo faraha calaacalaha ee looga tagay caddeymaha goobaha dambiyada iyo meelaha kale; in lagu caawiyo in dambiileyaasha lagu xukumo aqoonsiyadan; tababar sharci fulinta goobta dambi ururinta caddeynata iyo hababka aqoonsiga; in la taageero diiwaannada taariikhda dambiyada oo sax ah oo dhammaystiran; in la sameeyo cilmi-baarist goobeed ujeeddadeedu tahay in lagu wanaajyo oo

Doorashooyinka Degmada King ma saxaan astaamaynta, naxwaha, ama hubinta-xaqiqa ee musharaxa iyo bayaannada cabbirka.

Degmada King

Qoraalka buuxa ee Xeerka 19884

kor loogu qaado adeegyada barnaamijka; iyo haddii kale kor loo qaado badbaadada dadweynaha sida waafaqsan xeerkan oo sharcigu oggol yahay.

D. "Canshuurta" waxaa loola jeedaa canshuuraha hantida ee caadiga ah, ujeeddada gaarka ah iyo muddada lagu sheegay xeerkan oo ay oggolaadeen codbixiyeyaasha si waafaqsan sharciga gobolka.

E. "Lacagta Canshuurta" waxaa loola jeedaa caddadka ugu muhiimsan ee lacagta ay soo ururisay canshuuraha, dakhli kasta oo dulsaar ah oo ka soo gala lacagta, iyo dakhliga ka soo baxa maalgelin kasta oo ku meel gaar ah ka dib oggolaanshaha canshuurta.

QAYBTA 2. U soo gudbinta canshuur bixiyeyaasha. Si loo bixiyo lacagaha lagama maarmaanka u ah barnaamijka AFIS-ka, golaha Degmada King waa inuu u soo gudbiyaa codbixiyeyaasha goboleed ee u qalma soo jeedinta ah in dib loo fasaxo canshuurta guryaha ee joogtada ah ee dhacday oo ka badan xaddidaada canshuuraha ee ku jira cutubka 84.55 RCW toddoba sanno oo xiriir ah, iyada oo ururinta bilaabanayso 2026, qiimo ah in ka badan \$0.0275 kunkii dollar ee qiimaha la qiimeeyay sannadka ugu horeeya ee muddada canshuurta. Caddadka doolarka canshuurta sannadka ugu horeeya waxa ay noqon doontaa aasaaska canshuurta ugu badan ee la oggol yahay ee sannadaha labaad ilaa toddobaad (2027-2032) waa in la xisaabiyya iyada oo la isticmaalaayo xaddidaada qodobka cutubka 84.55 RCW, sida wax laga beddelay.

QAYBTA 3. Dabaajiga dakhliga canshuurta. Dhammaan lacagaha canshuuraha ah ee la ururiyo sida loogu oggolaaday sharcigaan waa in lagu shubaa sanduuqa hoosaadka ee nidaamka aqoonsiga faraha tooska ah oo loo isticmaalo oo keliya kharashyada xaqa u leh ee lagu qeexay qaybta 4 ee xeerkan.

QAYBTA 4. Kharashyada u qalma. Haddii ay ansixiyan codbixiyeyaasha degmada ee u qalma, dhammaan dakhliga ka soo baxa canshuuraha lagu oggolaaday xeerkan waa in lagu bixiyya kharashaadka barnaamijka AFIS, oo ay la socoto software-ka iyo hawlaho qalabka iyo kharashyada dayactirkka iyo kharashyada lagama maarmaanka u ah in lagu bixiyo kharashaadka uu gobolku galay ee loo aanaynayo AFIS canshuurta doorashooyinka. Kharashaadka xaqa loo leeyahay waxaa ka mid ah mushaharka, gunnooyinka, tababarka, agabka xafiisayada iyo shaybaarka, goobta shaqada, alaabta iyo adeegyada qandaraaska, daraasadaha iyo cilmi-

baarista la xiriira, maamulka, iyo kharashyada kale ee ku dhaca hawlgalka iyo tayaynta barnaamijka AFIS ee goboleed. Kharashyada goobta shaqada waxaa ka mid noqon kara ijaarka, kireynta, ama iibsashada dhul ama meel dhismo si loogu hooydo teknolojyada barnaamijka AFIS, shaqaalaha, ama hawlaho shaybaarka.

Kharashyada xaqa u leh waa in ay ku jiraan deynta aan curaarta ahayn iyo kharashyada maaliyadda iyo dib u bixinta kharashaadka aan caadiga ahayn ee uu degmadu galay ka dib taariikhda dhaqan galka xeerkan ee la xiriira barnaamijka AFIS. Canshuurta AFIS waxaa loogu talagalay maalgelin dheeri ah si loo joogteeyo goobta dambiyada ee la balaariyay laguna xiro teknolojyada aqoonsiga iyo adeegyada iyadoo loo eegayo hab gobol oo la wadaago, taasoo hoos u dhigaysa qiimaha teknolojyada iyo shaqaalaha iyada oo loo maraayo dhaqaale baaxad leh oo ka dhigaysa faa'iidada ay heli karaan dhammaan hey'adaha. Canshuurtu waa in aanay wakhti kasta bixinin maalgelinta caddaaladda dambiyada guud ama maalgelin barnaamijyada ama ujeeddooyinka aan si kale waafaqsanayn xeerkan.

QAYBTA 5. Baaqa doorasho gaar ah. Sida ku cad RCW 29A.04.321, golaha Degmada King wuxuu halkan ugu baaqayaa doorasho gaar ah oo la qabto Abriil 22, 2025. Agaasimaha Doorashooyinka Degmada King waa inuu sababo ogeysiis la xiriira xeerkan sida waafaqsan dastuurka gobolka iyo sharciga guud iyo in loo gudbiyo codbixiyeyaasha degmada ee u qalma, doorashada gaarka ah ee degmada ee la sheegay, soo jeedinta hadda ka dib hore loo wado. Karaaniga goluhu waa inuu ku caddeeyaa soo jeedintaas agaasimaha doorashada ee Degmada King si weyn qaabkan soo socda, iyadoo la raacayo wax ka beddelka sida uu u baahan karo qareenka dacwad ooqeyaasha:

Degmada King

Soo Jeedinta Lr. 1

Canshuurta Nidaam Goboleedka Aqoonsiga Sawirka Faraha ee Otomaatigga ah (AFIS).

Golaha Degmada King ayaa meel mariyay Xeerka _____ khuseeya soo jeedintaan ee nidaam goboleedka aqoonsiga sawirka faraha ee otomaatigga ah (AFIS). Soo jeedintaan waxay noqon doontaa >maalgelin sii wadidda hawlgalka barnaamijka AFIS si loo bixiyo teknolojyada faraha ee la xoojiyay iyo sawirada calaacasha si looga caawiyo maamulka caddaaladda. Waxay oggolaanaysaa canshuurta hantida oo lix sanno oo dheeraad ah ayadoo

Doorashooyinka Degmada King ma saxaan astaamaynta, naxwaha, ama hubinta-xaqiqa ee musharaxa iyo bayaannada cabbirka.

ururinta laga bilaabi doono sannadka 2026 qiimo ah \$0.0275 ka mid ah \$1,000 ee qiimeynta la qiimeeyay, ayadoo canshuurta sannadka 2026 lagu salayn doono xisaabinta kordhiska sannadlaha oo ah 3.5% ee sannadaha 2027-2032; iyo lagana dhaafow waayeellada, halyeeyadii hore, iyo shakhsiyadka naafada ah ee u qalma sida ku cad RCW 84.36.381. Ma tahay in soo jeedintaan la:

Ansixiyo []

Diido []

QAYBTA 6. Muddo kordhinta guddiga la talinta ee AFIS. Haddii canshuurta ay codbixiyeyaashu ansixiyan si waafaqsan qodobka 5 ee xeerkan, guddiga la-talinta AFIS ee ay hore u oggolaadeen codbixiyeyaashu waa in lagu hayaa inay dib u eegaan hawlaho AFIS iyo kharashaadka iyo inay soo jeediyaa talooyinka khuseeya barnaamijka AFIS.

QAYBTA 7. Ansixinta. Shahaadaynta soo jeedintaan ee karaaniga golaha Degmada King ee ku socota agaasimaha doorashooyinka sida waafaqsan sharciga ka hor doorashada Abriil 22, 2025, iyo fal kasta oo kale oo waafaqsan maamulka iyo ka hor taariikhda dhaqan gelinta xeerkan waa la ansixiyay oo la xaqiijiyay.

QAYBTA 8. Kalagoynta. Haddii wax kasta oo ka mid ah xeerkan ama isticmaalkiisa uu qof ama xaalad uu yahay ama uu noqdo mid aan ansax ahayn, inta ka hartay qaanuunka ama ku-dhaqankeeda ku aaddan dadka kale ama xaaladaha, intuba saamayn kuma laha.